



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 3. Regis Arragonum postulata ad Legatum.

[urn:nbn:de:hbz:466:1-66272](#)

quain tamen Alphonsi animum flectere Sæcul. XV.
valuit.

A.C.1425.

§. III.

Regis Arragoniae postulata ad Legatum.

Interea temporis Arragoniae Rex Ordinis S. Dominici Religiosum, quem a confessionibus habebat, ad Cardinalem misit, qui tria ab eo peteret. I. Ut sibi liceret, S. Ludovici Episcopi Tolosani reliquias, quas Massilia secum detulisset, in quadam Arragonensium Franciscanorum Ecclesia deponere. II. Ut omnes jam aliquamdiu pro terris suisque ditionibus census debiti, & Cameræ Apostolicæ jura sibi condonentur. Denique III. Ut Rocale Urbe, Rhodiorum Equitibus subdita, uti fruique posset. Primum petitum, cum id Galliæ Regibus nimis grave accidisset, omnino negavit Cardinalis, tertium quoque admittere recusabat, causatus, inde injuriam, damnumque Rhodiorum Equitibus emersurum; cum hi ad conservandam hanc urbem nec sumptibus, nec sanguini hucusque pepercissent. Alteri tamen articulo se assensum spopondit, dummodo Regis alloquendi copia sibi fieret, ac Pseudo - Papam Paniscolæ latitantem deferere, Alphonsus promitteret.

L 1 2

Eodem

Sæcul. XV. Eodem anno Henricus Alphonsi frater e Castellano carcere dimissus referatur, cuius libertatem Carolus *Nobilis* Navarræ Rex indefesso studio promoverat, hoc ipso tamen anno die octava Septembris ex hac vita migravit, Pompejopolis sepultus. Successit ei Blanca illius Filia, necnon Joannes hujus Maritus, ac Regis Arragoniæ frater.

§. IV.

Ordo Eremitarum S. Hieronymi institutus.

Onuphr. in Chron. Mau-rot de Ord. Relig. Sub idem tempus Lupus ab Oliveto, natione Hispanus, Romæ in conventu S. Alexii Ordinem Hieronymitanorum, seu Eremitarum D. Hieronymi instituit. Is antea erat supremus hujus Ordinis Praefectus, qui ad Carthusianos transiit, sed paulo post ad priorem rediit statum. Lupus D. Hieronymi libros sedulo scrutatus, ex illis, ac præcipue ex ejus epistolis particularem concinnavit Regulam, quam Pontifici, cui in paucis carus, & quondam Parisiis ejusdem studii socius erat, exhibuit, supplicans, ut Ordo suus, relicta S. Augustini, quam hucusque profitebatur, regula, illam ex D. Hieronymo collectam auctoritate Pontificia amplecti posset. Annuit Papa, sed Lupus Religiosos suos graviter reluctantibus expertus,

ab